


新疆伊犁綏定縣鄉土志

地610.187
539



新疆伊犁府綏定縣鄉土志叙

伊犁漢時伊列國也雖疆圉風俗物產班志弗詳而枕山帶河實為西域之隩區天山以北之門戶唐承漢後突厥路焉然皆阻於聲教未隸版圖

國朝文德武功超越前代平準噶爾定回部設將軍於伊犁控制全疆於是羶廬毳幕之倚莫不喁喁向化誠亘古未有之隆庥也會陝回煽亂闕外回匪應之舉二萬里之土地淪為賊窟嗚呼慘矣我

國家竭東南則力始克削平伊犁一隅則索還於俄國者

朝廷從疆臣之請開省庭州綏定縣始於光緒十四年也近者疊頒

明詔銳意興學設學部縮其樞紐飭直省府廳州縣各撰鄉土志曰歷史曰地理曰格致均就鄉土采輯以為小學課本是將以四百兆人民悉納於文明之化以激發其愛國之忱禱矣盛矣講求學務茂以加矣漢書西域傳洪博淵雅述前古所未聞以流傳於後世故學者足跡不出戶庭而三十六國之山川道里城郭戶口以暨俗尚異同甲兵方物之屬雖代遠年湮猶瞭如指掌蓋目所習見耳所常聞其事近其言翔實也綏定



志乘未勒成書自經兵燹故家遺俗漫無稽考然奎學慚余
陋承乏於斯案牘閒暇間策馬巡鄉社呼村長里老博訪周
諮爰撮大略筆諸簡端其有文獻可徵私家著述可資考
證者依例自編集期合於古而不背於今不知者闕焉以
俟政教之君子光緒戊申三月上巳長沙蕭然奎謹撰

新疆伊犁府綏定縣鄉土志

歷史

縣治在漢為伊列國地屬匈奴南與烏孫接境元帝建昭時
陳湯破郅支北擊伊列即其地也以後不見於史蓋已併於
烏孫矣烏孫有大小昆彌大昆彌治赤谷城成帝元延二年
國內亂漢遣中郎將段會宗誅其亂者至後漢章帝元和中
兩昆彌皆弱安順之世西域背叛而烏孫葱嶺以西弗通朝
貢焉元魏蠕蠕侵凌率帳徙都真珠河今特克斯河北太武太延三
年貢於魏魏遣董琬一作董琬使其國其後蠕蠕滅地盡入突

厥烏孫故國大抵皆鐵勒部也當隋太祖開皇中曰達頭可
汗與突厥分烏孫地號西突厥鐵勒諸部雲附景從控弦數
千萬號今城郭諸國迹儼然雄視西域唐初高祖厚結之
並力以圖北蕃一作北番太宗貞觀十二年西突厥咄陸與
啞利尖交爭伊列以西屬咄陸以東咄利尖主之地遂兩屬
啞利尖死其弟伽那之子沙鉢羅葉護襲汗位建庭睢合
水北睢一作雖今察林河地高宗永徽五年左屯衛將軍蘇定方為
伊麗道行軍總管破賀魯於伊麗河永淳中十姓阿史
那車薄一作薄反圍弓月城今喀什河北安西都護王方翼引

軍至伊麗唐書西域突厥傳或作伊列或作伊麗列麗皆轉音實即此地耳武后朝突厥亡突騎施烏質勒以碎葉為大牙弓月城伊麗水為小牙尋為別部車鼻施葛蘇祿所襲分為黃黑二姓據有其地至代宗大曆後十姓徙居故土二姓仍屬之厥後則統稱回統矣當西遼耶律大石之興也改元延慶是歲宋徽宗宣和六年越三載領宗靖康元年大石建都於虎思幹耳朶數傳至直魯古為乃蠻西出律襲執之據其國而西遼遂亡時宋寧宗嘉定四年元太祖之六年也又三年元太祖西征斬曲出律城於阿里瑪文正西游錄阿里瑪

城西有河曰亦列其西有城曰虎思窩魯朶即西遼故都西城圖考亦列即瞻德城西之察罕烏蘇河

元亡入瓦拉部明成祖十六年別失八里酋歪思西徙更國號曰亦力把里游牧於此瓦拉自也光死其子孫分為四衛拉特華言四大部也曰綽羅斯曰杜爾伯特杜一作都皆聚牧天山之北阿爾台山之南山在時克斯川北岸綽羅斯亦曰準噶爾有瑪哈穆特者一作為哈木維長諸部與阿魯台相讐侵攻無寧歲阿魯台苦其暴虐永樂中內附歲脩職貢宣德間瑪哈穆特子脫歡襲殺阿魯台欲踞汗位而象不屬乃以托克托巴哈立之自為大師脫歡死子額森嗣正統時大舉入寇明師敗於土

木既而額森弑其王稱曰盛大汗宣帝詔稱衛拉特汗景大中
尋亦為部下所弑額森有子二俱退歸蓋收八傳至巴圖爾渾
台吉是為

國朝順治二年子僧裕桑嗣一作僧格僧格桑死其同母弟噶
爾丹與異母兄車臣爭產因戕車臣兼併四衛拉特史所謂
厄魯特也噶爾丹恃其兵力遂自伊犁徙居金山伺隙擾邊
康熙二十九年舉兵內犯我師敗績三十四年撫遠大將軍
費揚古兵敗之於貽莫多噶爾丹竄匿薩克薩之呼里克
三十六年仰藥自盡

詔策妄阿拉布坦噶爾丹兒子也收集餘眾游牧阿爾太
山之西策妄既立掠哈密襲吐魯番殺散秩大臣阿喇伯
納青海叛逆羅卜藏丹津索之弗獻雍正五年死子策
凌立遣小策凌敦多卜率二萬眾犯濶舍圖總兵樊廷
拒之賊遁九年六月靖遠大將軍傅爾丹與戰於和通
淖爾敗績十年傾國人犯額駙策楞借蒙古兵襲之俘
斬以數萬計策凌僅以身免十二年西路副將軍張廣
泗又敗之布隆吉乾隆十年策凌死子策妄多爾濟那
木札爾嗣立童昏無行而內亂作矣其姊夫賽音伯勒

懼禍之及已也與諸台吉弒之立喇嘛達爾濟未幾大策凌
敦多卜之孫達瓦齊與偕阿睦爾撒納弒喇嘛達爾濟於
伊犁自立為汗阿睦爾撒納負功跋扈復興達瓦齊構釁
勢難自存十九年秋率二萬餘人來降且乞師靖亂二十
年二月

詔班第為定北將軍阿睦爾撒納副之永常為定西將軍
薩喇爾副之五月會師博羅塔拉河達瓦齊遁格登山今中
俄分
界第七號
牌博處我師由登努勒台長驅渡河遣侍衛阿玉錫等二
十二騎夜簿其壘賊驚潰達瓦齊率二十餘人踰水嶺竄

喀什噶爾象回酋霍集斯伏兵林內檢之降六十五百騎準部
平事聞

命班第及叅贊大臣鄂容安會同阿睦爾撒納共籌伊犁善
後阿逆思併四部噉眾復反班第鄂容安率五百兵奪路歸抵
空谷斯兵散自刎報至熱河

行在乃以定西將軍策楞叅贊大臣富德王保等由巴里坤
進發二十一年大軍會於伊犁阿逆已逃入哈薩克統策楞
王保職以達爾黨阿為定西將軍富德輔之兆惠充定邊右
副將軍往軍營應援二十二年春阿逆自哈薩克潛歸會

諸賊於博羅塔拉我師追及之又遁富德等窮追哈薩克苗
長阿布賚哲檢以獻阿逆覺徒步竄入俄羅斯患痘死明
年富德兆惠盡剿厄魯特之漏網者二十四年兩軍合集
伊犁底定始隸版圖二十五年

特旨命阿桂為叅贊大臣是為伊犁設官之始是年阿桂
奏設綏定屯鎮總兵開辦屯務

詔從之二十六年二月興漢鎮金梁到任是又綏定設官之
始二十七年修綏定城設巡檢曰惠遠城惠甯城熙春城甯
遠城拱宸城塔勒奇城瞻德城廣仁城均先後創修設官各

有差等將軍駐惠遠城節制焉歷嘉慶道光咸豐間戶口蕃
滋地方號稱殷富蓋自

純廟開疆以來西陲無烽火之驚者百有餘載矣同治元年
綏定三道河回匪楊三狸馬二乘逆回金相印煽亂揚言官
軍剽洗回民日散夜聚潛謀不軌將軍常清發兵往捕擒斬
匪目楊三狸等二十六名起獲軍械多件解散脇從人心稍
戢三年庫車回匪馬澹等焚掠東四城庫爾喀喇烏蘇土
回應之我軍方赴援烏蘇而伊犁漢裝回復變十月金頂
寺纏回劫甯遠城阿奇木伯克阿布都魯素以叛搶奪牧

啟官馬協領烏勒西春筆帖式恒貴死之十一月常清革職
以叅贊大臣明緒為將軍明緒銳意討賊逆戰於地窩堡會
哈薩克馬隊萬騎左右衝擊我軍死亡枕籍協領穆克德柯
及其子松齡同歿於陣四年正月惠寧城陷領隊大臣穆克
登額自焚以殉是年夏賊攻綏定我軍上下夾擊大獲全勝
方是時遍地賊氛各城聲息不通錫伯索倫亦為回匪哈薩
克侵掠撤隊回防惠遠城危在旦夕至七月城中糧盡兵民
食皮草樹根充飢乃派領隊大臣崇昌赴俄國借兵並假道
於俄晉京遽摺然賊匪攻城益急領隊大臣托克托柰巴哈

善率隊出北門堵禦戰敗陣亡巡檢趙鴻儀被賊活捉遇害
尤慘自是嬰城守禦以待援師迨五年正月城陷將軍明
緒率其妻二子一女燃火藥盡節領隊大臣崇熙協領永
謙其子佛爾果春佐領額勒精及兵民殉難者不可數計
屯鎮總兵沈王桂力竭陣亡叅將王重福為賊擄去得以
不死其綏定拱宸賴兵民固守尚未破餘均淪為賊窟矣
當惠寧城之失也拱宸城闕回民經練營兵乘夜殲之至
是聲言復仇百計環攻六年春城陷老弱幼穉無一倖脫
者而已革將軍常清遂以綏定城獻於賊越四年壬申

俄國代收伊犁駐兵寧遠設領事官電報局已隱然有割據之意光緒三年丁丑大學士左宗棠督湘軍統領劉錦棠廓清南路時將軍金順已奉

旨規復伊犁會俄人有退還之議軍於烏蘇四年六月命侍郎崇厚充頭等全權大臣赴俄會訂約章既返國不稱

旨下獄六年復派一等侯爵曾紀澤為二等公使使俄國改定條約七年歸我伊犁八年金順督兵駐綏定辦善後設同知十四年戊子隸新疆改縣治並設典史及廣仁城

巡檢綏定為伊犁府首邑焉

政績

縣治經兵燹之後民無孑遺招徠撫字利樂均沾則政績尚焉乾隆時屯鎮總兵馬虎喬照劉鑑辦理屯務曰中營左營右營塔勒奇營霍爾果斯營巴彥岱營皆兵屯也每歲與戶屯回屯計畝輸糧以贍軍食而濟餉糈所不遠豐功偉烈令人思慕難忘迄今覽其遺蹟畝畝縱橫惜渠圯泉枯莽為榛荆耳同治初總兵德明沈玉桂率隊剿賊見危授命大節凜然洵堪持維名教毋忝厥職後此官吏雖不乏人

然無特別之實政不敢撫拾也

兵事

綏定自隸版圖建設屯鎮百餘年民物雍熙不間風鶴之驚雖同治元年境內回匪楊三猩等謀逆亦捕平之迨庫車回變烏蘇及安集海回逆響應而伊犁土回纏回楊興等同時煽亂遂至勢若燎原不可收拾屯鎮總兵德明帶隊堵禦失利擄賊中遇害是三年十月也四年春惠甯城陷賊勢益張夏間圍攻綏定總兵沈玉桂等逆戰於烏河曰烏哈爾里克河自辰至午勝負相當護理總兵張忠出城中木礮橫轟賊

陣賊敗東竄領隊大臣崇熙復率馬隊千騎遏擊截梁子生擒賊首楊興馬二寸礮陣前並俘斬逆回哈薩克五六十名城賴以存方德明陣亡沈玉桂以都司補授屯鎮奉

旨剿賊五年正月惠遠城失守沈玉桂力戰捐軀時已革將軍常清僑居綏定六年春以城降伊犁全境淪為逆巢而南北天山皆該逆嘯聚之所固自謂負固無虞也十年俄人不干外局中立懾以兵威該逆納款投誠有恃靡恐光緒三年湘軍底定南疆俄人亦議退伊犁

朝廷念與俄國通好二百餘載未啓釁端乃

詔崇厚偕駐華俄使布策赴俄國訂約崇厚擅專俄有歸地之名我無得地之實

兩宮震怒命治其罪飭兵備邊時將軍金順率大軍駐烏蘇秣馬蓐食將易玉帛而從事干戈矣既而曾紀澤使俄改定約章報至

廷議曰可八年壬午金順進紮綏定而回逆鼠竄狼奔逃我顯戮越六年戊子開省建官劃疆分里四至井然官斯土者果能廣示招徠令民屯墾繼之以教育申明乎警察是則寓兵於農結成團體俾吾民皆干城之選豈不

懿歟

耆舊

纏回土回中有大阿訇者略如當世之搢紳先生負鄉黨之名譽足以端齊民之趨向究之宗教既殊薄詩書而習尚剛勁罔議經緯之大端漢民囿於風氣安於愚惰謀衣食之外無他事焉故遠溯嘉道之際既無偉人宿學永其流傳近考同光之間又值兵燹頻經民生未遂而名官則有金忠介公順原任伊犁將軍祔祀者原任塔爾巴哈台叅贊大臣春滿原任伊犁總鎮劉宏發至耆舊鄉賢蓋

闕如也

人類

自設縣治已有二十年矣百姓散居城鄉種類最為糅雜
曰漢民曰纏頭曰漢裝回皆招輯之流氓非土着也光緒
乙未西甯回變其時彼中良回有携眷徙居縣屬北境
者歲丁未俄人歸我漢回及塔蘭奇塔蘭奇即纏頭異
名均就地安插西鄉曰錫伯曰索倫曰察哈爾曰額魯特
以及蒙古哈薩克環居境外向隸伊犁將軍他若流寓漢
民經商為業均萃處本城城闕亦有俄商貿易於南闕者
俄國保護兵隊近來無定數然常川駐紮西八柵距城不
及里許耳

戶口

城闕男口肆千四十四女口壹千陸百二十八
東鄉男口壹百七十七女口七十
西鄉男口壹百二十二女口五十六
南鄉男口人十六女口四十八
北鄉男口二百二十五女口九十九
城闕天主教民男口十一女口十六

惠遠城

東關男口一千八十八女口五百七十六

廣仁城

城關男口三百七十六女口一百八十三

瞻德城

城關男口二百一十八女口五十三

城關天主教民男口四女口五

霍爾果斯城

城關男口一百九十女口七十五

以上城鄉共戶口九十三百四十

氏族

縣治回民多而漢民少故東關有禮拜寺二南關有禮拜寺
二回語麻打拉斯為其會宗諷經之所而四鄉無有焉漢民劫
後餘生子遺僅存其招徠者徃徃視非樂土轉徙靡常亦
覺無從編入及今休養生息復我邦族其庶幾乎

宗教

回教雜處中華千數百年矣生齒既庶世系難詳稽其族
類不一而足曰白帽即纏頭回自呼曰曰紅帽曰輝和爾哈拉曰

教門旗回漢回等僉稱花門種以阿丹為鼻祖天方為祖國宗

瑪哈麻教一名穆罕墨德敬事上帝或一日三作乃禱纏頭

日作或七日一次禮拜教門七日禮拜他如語言文字歲皆紀

律倫常服飾之間則迥有區別而其開創之王肇自

喃撒建都條支即阿刺伯眾口雷同無或稍異其自教

之無如此然前古罕所見聞確否亦難深信自東漢

永光九年西域都護班超遣掾吏甘英通大秦抵條支

採訪風俗期年而還惜乎無多傳述其後則有唐之釋元奘

亦親歷其地訪求經無得天經數種而遍幾經重譯記

載略存焉攷陳宣帝大建元年有摩哈麥者即瑪哈麻生於

麥加條支都城穎悟絕倫幼通經籍既長習商賈業漸至巨富

見泰西各國天主耶穌之教盛行思別樹一幟以自高異

著書曰可蘭闡明清真之教宣言於眾禁食豕肉罔不

樂從其教始盛逮唐高祖武德元年摩哈麥因天災逃

難於麥地拿土人欽佩其教翕然從之違者輒率眾攻

討逐據阿刺伯全土既返麥加於是築城隍城周十餘里回人謂

營宮室殿周里許建祠宇禮拜祠曰頒職官今回官有阿奇木伯克等石昏

號台回部即以是年為元紀今回教稱一千幾百厥後黨徒日眾西

土蔓延部落攸分門戶各別此白帽紅帽輝和爾哈拉教門
諸族所由來也縣治回民祇白帽教門二種試約言之白帽
之族黠直鮮智慧促眉腫目凸准碧瞳男子多聯鬚婦女
束髮分垂左右倫常乖舛風俗澆漓係真阿剌伯種教
門則不然性很傲尚詐虞惟不蓄髮不食犬豕與白帽同
其餘風土人情與華人大同小異同宗一教彼此不俾其故
何哉蓋嘗曰邊陲多變凡滿漢與回疆接壤者或限於時
勢入教者生不入教者死由是降心相從為苟且偷生之
計乃習俗移人積久新置華人也竟變為夷族矣故教門

恒聚族而居姓氏宗支班班可考則其為黃種無疑要之
習之既久信之愈深傳之亦愈廣合亞細亞州之中回人
記處幾徧然亦傾心向化未敢覬覦歷代任其攘往熙來
初無異服異言之警

國朝版圖遼濶倍切無綏且復錄其人材登諸仕進甚至
遐陬僻壤尤為富教兼施以示懷柔之度彼族既能通
我聲教服我田疇供我賦稅自不得以其教之或殊而外之
也近又有法國教士高日昇於縣城購置房屋設立天主教
堂自光緒八年法人石天基來伊創始迄今越二十年入教

者僅以十數計足見民心牢固不感歧趨我
皇上一視同人

諭令妥為保護用夏變夷之道隱寓其中安知異日不
同途

聖教也

實業

泰西講求實業注意工藝推行盡利則所賅甚備不僅士
食舊德農服先疇已也縣治風氣未開居民安於頑固
雖自開省以來設義學擇子弟之聰穎者盡教育之

義務而回民限於文字語言難馴野性漢民亦少成材是
以耕種者有十之八工匠商賈有一二而士無從屈指矣

地理

縣在省治西南一千五百四十五里北至 京師一萬四十四
里北界精河西北界博羅塔拉西界霍爾果斯廳西南界
俄國七河省邊境南界惠遠城東界甯遠城

城內

縣署一 典史署一

伊犁府署一 府經歷署一